

आकाशवाणी जयपुर—अजमेर
प्रादेशिक समाचार
दिनांक 17.08.2025 समय: 18.45 बजे

- प्रधानमंत्री नरेन्द्र मोदी नुवी दिल्ली मांय दो प्रमुख राजमार्ग परियोजनावां राष्ट्र ने समर्पित करी—लोगां सूं भारत मांय बण्या उत्पादां ने खरीदणे री अरज करीं
- निर्वाचन आयोग साफ कयो—वां रे वास्ते सगळा राजनैतिक दल बरोबर—आयोग आपरे संवैधानिक कर्तव्य सूं पीछे नी हटेलां
- उपमुख्यमंत्री दिया कुमारी कयो—ऑफ सीज़न रे चालता पर्यटन उद्योग ने गति देवण खातिर राज्य सरकार प्रतिबद्धं
- प्रदेशभर मांय नंदोत्सव री धूम—भाद्र कृष्ण पक्ष री नवमी माथे लोकदेवता गोगाजी री पूजा अर्चना करीजीं

000

प्रधानमंत्री नरेन्द्र मोदी 'वोकल फॉर लोकल' माथे जोर देवता थकां लोगां सूं भारत मांय बण्या उत्पादां माथे भरोसो करणे अर वां ने खरीदने री अरज करीं आज नुवी दिल्ली मांय लगेटगे 11 हजार करोड़ रुपया री दो खास राष्ट्रीय राजमार्ग परियोजनावां रो उद्घाटन करता व्हया श्री मोदी कयो कि आगली पीढी रे जीएसटी सुधार, देशवासियां खातिर दोहरो फायदो लेर आवेलां श्री मोदी कयो वां री सरकार खातिर सुधार रो मतलब सुशासन रो बधावो हैं वणा कयो कि वां री सरकार रो लगोतर प्रयास लोगां रे जीवन ने आसान बणाणो हैं श्री मोदी ओ भी कयो कि ओ ई लक्ष्य हर नीति अर हर निर्णय रो मार्गदर्शन करे हैं

.....
ध्यानजोग है कि आ परियोजनावां रे पूरो होणे सूं दिल्ली अर वां रे आसे—पासे रा खेतर मांय कनेक्टिविटी मांय चोखो सुधार व्हेला अर यात्रा मांय सुगमता रे साथे बखत मांय भी कमी आवेलां इण सूं दिल्ली रे माझने अर बाहरी खेतरां रे साथे—साथे चहल—पहल वाढी जगावां माथेयातायात सुगम व्हे जावेलां

000

निर्वाचन आयोग कयो है कि वां रे वास्ते सगळा दल समान है अर वे राजनीतिक दलां रे बीचे कोई भेदभाव नी करे हैं आज नुवी दिल्ली मांय मीडिया मांय बोलता थकां मुख्य चुनाव आयुक्त ज्ञानेश कुमार कयो कि आयोग आपरे संवैधानिक कर्तव्य सूं पीछे नी हटेलां
मुख्य चुनाव आयुक्त साफ कयो कि चुनाव आयोग बिना किणी भेदभाव रे गरीब, अमीर, बुजुर्ग, महिलावां अर नौजवानां साथे सगळा वर्ग अर सगळा धर्म रे मतदातावां रे साथे निडरता सूं खड्या रेवेलां

.....

हाल ही मांय कांग्रेस समेत कुछेक राजनैतिक दलां कानी सूं मतदाता सूची मांय कथित गड़बडियां रे आरोप माथे श्री कुमार कयो कि लोकसभा चुनाव रे चालता एक करोड़ सूं बत्ती सरकारी कर्मचारी, 10 लाख सूं बत्ता बूथ—स्तरीय एजेंट अर उम्मीदवारां रे 20 लाख सूं बत्ती पोलिंग एजेंट इण प्रक्रिया रो हिस्सो हां वणा जाणणो चायो कि साफ—सुथरी प्रक्रिया अर इत्ता सारा लोगां रे बावजूद वोट क्यां चुराया जा सके हैं मुख्य चुनाव आयुक्त मतदाता सूचियां मांय गलतियां माथे आपरी आपत्ति निर्धारित प्रारूप मांय दर्ज करवाणे री दळां सूं अरज करीं

000

भारतीय जनता पार्टी संसदीय बोर्ड री आज नुवी दिल्ली स्थापित पार्टी मुख्यालय मांय बैठक चाल री हैं इण मांय प्रधानमंत्री नरेन्द्र मोदी, पार्टी रा राष्ट्रीय अध्यक्ष जेपी नड्डा, गृह मंत्री अमित शाह अर रक्षा मंत्री राजनाथ सिंह साथे संसदीय बोर्ड रा सदस्य भाग ले रिया हैं बैठक मांय उपराष्ट्रपति चुनाव रे उम्मीदवार माथे चर्चा री आस हैं

000

गृहराज्यमंत्री जवाहर सिंह बेढम आज डीग मांय जनसुनवाई करीं इण मौके माथे वणा जिला मांय नहरबंदी रे पाछे स्वच्छ जल आपूर्ति, पीएम आवास योजना, पैंशन सत्यापन साथे न्यारी न्यारी सरकारी योजनावां सूं जुड्या मामला माथे लोगां रा परिवाद सुण्यां वणा जिला मांय जर्जर भवनां मांय स्कूल नी चलाणे अर वां री रपट देणे खातिर अहलकारां ने हुकम दियां वठी ने कैबिनेट मंत्री जोराराम कुमावत भी आज पाली रे सुमेरपुर मांय जनसुनवाई करीं वणा कयो कि सरकार प्रत्येक नागरिक री बात ने प्राथमिकता रे साथे सुणणे अर उण रो समाधान करणे खातिर प्रतिबद्ध हैं

000

कोटा मांय आज समावेशी शिक्षा रे तैत खास जरुरत वाळा 34 पढेसरियां ने सहायक उपकरण बांट्यां कानपुर री एक कम्पनी सूं मिल्या उपकरणां रे वितरण जळसे मांय शिक्षा मंत्री मदन दिलावर कयो कि सरकार सबका साथ, सबका विकास रे लगस रे साथे साथे संवेदनशीलता रे सागे काम कर री हैं शिक्षा मंत्री खास योग्यता वाळा लाभार्थी टाबरां रो मनोबल बधाता थका कयो कि सरकार हर पढेसरी रे साथे खडी हैं

000

उपमुख्यमंत्री दिया कुमारी कयो है कि प्रदेश मांय ऑफ सीजन रे चालता पर्यटन उद्योग ने गति देवण खातिर राज्य सरकार प्रतिबद्ध है अर बारिश रे मौसम मांय भी पर्यटन गतिविधियां बधाबा खातिर नवाचार कर्या जा रह्या हैं आज भीलवाडा रा गुलाबपुरा मांय पर्यटन महकमो, महिला बाल विकास अर सार्वजनिक निर्माण महकमा रा अहलकारां रे साथे बैठक मांय उपमुख्यमंत्री सरकार री फ्लैगशिप योजनावां ने जर्मी माथे उतारण रा हुकम दियां

वणा कयो कि वे ऐडी ही बैठकां हर जिले मांय लेवेला, जिण सूं सही स्थिति सामी आ सके

उपमुख्यमंत्री बिरखा रे चालता टूटी सडकां, क्षतिग्रस्त भवनां अर दूजी समस्यावां रे प्रति स्थानीय जनप्रतिनिधियां सूं अहलकारां ने अवगत कराणे रे कयों वणा अहलकारां ने फील्ड मांय नियमित मॉनिटरिंग करणे अर गुणवत्तापूर्ण अर बखत माथे काम नी करण वाळा ठेकेदार ने ब्लैकलिस्ट करणे रा भी हुकम दियां

000

जन्माष्टमी रा दूजे दिन आज प्रदेशभर मांय नंदोत्सव री धूम रीं कृष्ण मंदिरां मांय भगवान रा जन्म री झांकियां सजाई ज्यी अर न्यौछावर उछाळीं इण मौके माथे खास श्रृंगार कर्यो गयो अर पंचामृत प्रसादी बांटीं बृज सूं लागता भरतपुर अर डीग जिला मांय आधी रात भगवान रे जन्म रे पाछे सूं ही उच्छास रो माहौल बण्यो रहयों श्रद्धालु ठाकुर जी रे प्रति आस्था ने प्रकट करता व्हया छैल लुटाई अर दान पुण्य कर्यां जयपुर रा गोविंददेवजी, कोटा रा मथुराधीश मंदिर, करौली रा मदन मोहन जी अर सगळा मन्दिरां मांय दिनभर नंद रे आनंद भयो, जय कन्हैया लाल के जयकारां सूं माहौल गुंजायमान रहयों नाथद्वारा स्थापित श्रीनाथ जी मिन्दर मांय मनाया गया नंदोत्सव मांय घणी तादाद मांय देश रे कोणे कोणे सूं पहुंच्या श्रद्धालु दूध, दही अर केसर रो छिड़काव कर परम्परागत होळी खेलीं

.....

इण बीच, जयपुर मांय आज कृष्ण जन्मोत्सव रे दूजे दिन पारम्परिक शोभा यात्रा निकाळी जा री हैं मुख्यमंत्री भजनलाल शर्मा शोभा जातरा ने आरती कर र रवाना कर्यों

000

भाद्र महीने री कृष्ण पक्ष री नवमी माथे आज प्रदेशभर मांय लोक देवता गोगाजी जी री पूजा अर्चना करी जा री हैं गोगा नवमी रे मौके माथे न्यारी-न्यारी ठोडां माथे मेळा भी भरीजें हनुमानगढ रा गोगामेडी मांय राख्येज्या मेळा मांय राजस्थान अर आसे-पासे रा राज्यां सूं बडी तादाद मांय श्रद्धालु पहुंच्यां वठे आज खास मेळा मांय गोगाजी री समाधि माथे धोक लगावण खातिर सुंवारे सूं इ भक्ता री भारी भीड़ बण्योडी हैं जिला प्रशासन री कानी सूं व्यवस्था बणाया राखण खातिर चोखा इन्तजाम कर्या ग्या हैं वठी ने चूरू जिला रा ददरेवा मांय भी आज भर्या खास मेळे मांय भेळा होवण खातिर घणी तादाद मांय जातरू पहुंच्यां म्हाणा खबरनवीस बतायो कि देश रे कोणे कोणे सूं आया भक्त पवित्र सरोवर मांय डुबकी लगाई अर मनोतियां मांगीं

.....

000

सिरोही जिले रा आबूरोड़ मांय आज ब्रह्मकुमारी संस्थान री कानी सूं अंतर्राष्ट्रीय हॉफ मैराथन राखीजीं शांतिवन परिसर सूं माउंट आबू तांई राखीजी दौड़ मांय करीब साढे तीन हजार धावकां भाग लियां संस्थान रा प्रवक्ता बी.के. कोमल बतायो कि दौड़ रे जरिए स्वस्थ जीवन अर नशा मुक्त समाज रो संदेश दियो गयों

.....

000

श्रीगंगानगर सूं जगन्नाथपुरी खातिर आज साप्ताहिक रेल सेवा री सरुआत व्हीं आ रेलगाड़ी हर रविवार ने रवाना होर बुधवार ने पुरी पहुंचेलीं वापसी मांय आ गाड़ी बुधवार ने रवाना होवेलीं पेल्या आ रेलसेवा बीकानरे सूं पुरी रे बीच चालती हीं

000

प्रदेश रा घणखर ठोडां मांय इण म्हीना अबे तांई मानसून री रफ्तार सुस्त बण्योडी हैं अगस्त रो पहलो पखवाडो गुजर जावण रे पाछे भी रिमझिम बिरखा ने छोड़ बारिश री गतिविधियां मांय कमी देखी जा रही हैं मौसम महकमा रे मुजब आवता 3-4 दिनां मांय उदयपुर, जोधपुर संभाग रा कुछेक ठोडां मांय कठी-कठी बरसात री आस हैं महकमा रे मुजब अगस्त रा आखिरी सप्ताह मांय बंगाल री खाडी मांय मानसूनी तंत्र बणणे सूं राज्य रा घणखर भागां मांय मानसून सकिय होणे अर बिरखा री गतिविधियां मांय फेरु बधोत्तरी होणे री आस हैं

000

प्रधानमंत्री नरेन्द्र मोदी रो आकाशवाणी ऊं प्रसारित होवण वाळो मासिक रेडियो कार्यकम मन की बात ई बार 31 अगस्त न व्हेलां आ ई कार्यकम री 125वीं कडी व्हेलां कार्यकम सारू सुझाव टोल-फ्री नंबर 1800-11-7800 माथे भेज्या जा सके हैं इण रे अलावा नरेन्द्र मोदी एप अर माय जीओवी ओपन फोरम री मार्फत ई विचार भेज्या जा सके हैं ऐ सुझाव 29 अगस्त तांई लिया जायेलां

000